



Broj: 26-30-29951/22
Sarajevo, 04.08.2022. godine

Na osnovu člana 28. Zakona o državnoj službi u Kantonu Sarajevo ("Službene novine Kantona Sarajevo", broj: 31/16 i 45/19), člana 15. i 23. Uredbe o procjeni uticaja propisa u Kantonu Sarajevo ("Službene novine Kantona Sarajevo", broj: 29/22), direktor Zavoda za informatiku i statistiku Kantona Sarajevo donosi

RJEŠENJE

o imenovanju koordinatora postupka procjene uticaja propisa

1. Jasmin Jarebica, državni službenik zaposlen na neodređeno vrijeme u Sektoru za pravne i finansijske poslove Zavoda za informatiku i statistiku Kantona Sarajevo (u daljnjem tekstu: Zavod), na poziciji Višeg stručnog saradnika za pravne i kadrovske poslove, imenuje se za koordinatora postupka procjene uticaja propisa.
2. Poslovi, dužnosti i obaveze koordinatora postupka procjene uticaja propisa su regulisani Uredbom o procjeni uticaja propisa u Kantonu Sarajevo ("Službene novine Kantona Sarajevo", broj: 29/22).

OBRAZLOŽENJE

Jasmin Jarebica, državni službenik zaposlen na poziciji Višeg stručnog saradnika za pravne i kadrovske poslove imenuje se za koordinatora postupka procjene uticaja propisa koji su regulisani Uredbom o procjeni uticaja propisa u Kantonu Sarajevo ("Službene novine Kantona Sarajevo", broj: 29/22).

Dužnosti koordinatora postupka procjene uticaja propisa obuhvataju sljedeće:

- a) koordinacija postupka i pružanje stručne pomoći u provođenju prethodne i sveobuhvatne procjene uticaja propisa unutar Zavoda;
- b) saradnja s kontrolnim tijelima i centralnim koordinirajućim tijelom u vezi s provođenjem postupka procjene uticaja propisa;
- c) osiguranje provođenja sveobuhvatnih konsultacija među kantonalnim organima kao i drugim institucijama u Kantonu Sarajevo i po potrebi institucijama drugih nivoa vlasti u Bosni i Hercegovini u postupku procjene uticaja propisa;
- d) osiguranje dosljedne primjene važeće Metodologije za provođenje postupka procjenu uticaja i predlaganje mjera direktoru Zavoda u cilju unapređenja postupka procjene uticaja propisa unutar Zavoda;
- e) obavljanje drugih poslova u skladu s Uredbom o procjeni uticaja propisa u Kantonu Sarajevo ("Službene novine Kantona Sarajevo", broj: 29/22) i svim kasnijim izmjenama i dopunama navedene Uredbe.

Imenovani je dana 17.03.2022. godine uspješno završio jednodnevnu radionicu "Provođenje procjene uticaja propisa-okvir i dobre prakse" u organizaciji Ministarstva pravde i uprave Kantona Sarajevo, te dana 21. i 22.04.2022. godine dvodnevnu obuku "Procjena uticaja propisa-RIA" u organizaciji Agencije za državnu službu Federacije Bosne i Hercegovine.

Važećim Pravilnikom o unutrašnjoj organizaciji Zavoda, za poziciju višeg stručnog saradnika za pravne i kadrovske poslove, propisano je da prati i izučava zakone, propise i problematiku iz oblasti normativno-pravne djelatnosti od značaja za Zavoda, izvještava direktora i pomoćnike o izmjenama i daje stručna mišljenja, tumačenja i prijedloge iz te oblasti; priprema, pravi stručnu obradu i daje pravno mišljenje u postupku donošenja opštih akata kojima se uređuju aktivnosti, organizacija i djelatnost Zavoda; priprema izradu programa rada i izvještaja o radu; prati promjene propisa u oblasti digitalnog identiteta i elektronskog poslovanja i uspostavu elektronskih javnih usluga i servisa i obavlja i druge poslove koje mu odredi pomoćnik direktora i za svoj rad odgovara pomoćniku direktora.

U okviru navedenog radnog mjesta i prema opisu poslova utvrđenog internim aktom Zavoda, zadaci, dužnosti i obaveze koje ima koordinator postupka procjene propisa su već propisane, odnosno proizilaze iz navedenog opisa radnog mjesta i stoga nema potrebe za eventualnim izmjenama i dopunama važećeg Pravilnika o unutrašnjoj organizaciji Zavoda.



Dostaviti:

1. Imenovani
2. Personalni dosije
3. Ministarstvo pravde i uprave Kantona Sarajevo
4. a/a